

## Mensahe 9

### **Ang Hingpit nga Pagpangalagad ni Cristo sa Tulo ka Hugna**

Basahong Kasulatan: Juan 1:14; 1 Cor. 15:45b; Bug. 1:4; 3:1;  
4:5; 5:6; 2:4-5; 19:7-9; 21:2; 22:17a

#### **I. Ang bugtong-talagsaong pagtulon-an sa pamatigayon sa Dios sa Bag-ong Tugon (1 Tim. 1:3-4) mao ang pagtulon-an kalabot sa hingpit nga pagpangalagad ni Cristo sa tulo ka hugna—pagpakatawo, paglakip, ug pagpakusog:**

- A. “Unsa unya ang pahiuli sa Ginoo ug maunsa unya kini nag-agad man kon giunsa nato pagtagad kining pagtulon-ana” (Witness Lee); malakbit-asoy kining pagtulon-ana sa usa ka yanong tudling—“Ang pahiuli sa Ginoo mao ang Dios nga nahimong unod, ang unod nga nahimong Espiritung taghatag-og-kinabuhi, ug ang Espiritung taghatag-og-kinabuhi nga nahimong Espiritung gipakusgan sa pito ka pilo aron matukod ang iglesia nga mahimong Lawas ni Cristo ug maghingpit sa Bag-ong Jerusalem” (*The Divine and Mystical Realm*, pp. 17-18).
- B. Aron makabuhat pag-usa uban sa Dios isip mga masigka-magbubuhat Niya (2 Cor. 6:1; 1 Cor. 3:9), kinahanglang makaila, makasinati, ug makapahimulos ta ni Cristo (aron mabatonan si Cristo—Fil. 3:8-14) sa hingpit nga pagpangalagad Niya sa tulo ka diosnon ug misticong hugna Niya.

#### **II. Sa unang hugna, sa hugna sa pagpakatawo ni Cristo, sukad sa Iyang pagkahimugso hangtod sa pagkamatay Niya, nahuman Niya kining labing mahinungdanong mga butang:**

- A. Sa hugna sa pagpakatawo ni Cristo gidala Niya ang walay kinutobang Dios nganha sa tawong may kinutoban; bisan nigula si Cristo gikan sa Bethlehem, ang mga paggula Niya sukad pa sa kanhing mga panahon, sukad sa mga adlaw sa eternidad; nagpasabot kini sa walay kataposang gigikanan ni Cristo ug nagpakita nga nangandam ang Tulo-usang Dios nga mogula gikan sa eternidad nganha sa panahon, aron moabot uban sa Iyang pagkadios nganha sa pagpakatawo sa pagkahimugso Niya sa Bethlehem ingon nga tawo—Miq. 5:2.
- B. Sa hugna sa pagpakatawo ni Cristo giusa, gisagol, ug gitagik Niya ang Tulo-usang Dios sa tawong may tulo ka bahin—Luc. 1:35; 2:40, 52; Juan 14:10-11; 1:14.
- C. Sa hugna sa pagpakatawo ni Cristo gipadayag Niya diha sa Iyang pagka-tawo ang madagayaang Dios diha sa datong mga kaayo Niya pinaagi sa humot nga maayong mga kagawian Niya:
  - 1. Ang tawhanong maayong kagawian sa Tawo-Manluluwas nga pagbati, kalulot, pailob, kaluoy, ug pagsabot napadayag sa pagpakig-ambitay Niya sa masal-anong babaye; napadayag sab ang diosnong mga kaayo Niya, ilabi na gyod ang mga kaayo sa diosnong pagbulot-an sa pagpasaylo sa mga sala sa tawo ug ang paghatag Niyag kalinaw sa gipasaylong makasasala—Luc. 7:36-50.
  - 2. Ang Tawo-Manluluwas, nga maayong Samarianhon, nilugsong sa dapit nga nahimutangan sa nasamdan ug makaluluoy ug himalatyong biktima sa Judiohanong mga tulisan; gibati Siyag puangod diha sa Iyang pagka-tawo ug sa Iyang pagkadios, ug gisilbihan siyag malumong pag-ayo ug makaluwas nga pag-atiman, nga hingpit gyong nagtagbo sa dinaliang panginahanglan niya—10:25-37.
  - 3. Sa gilansang sa krus si Cristo, niingon ang usa sa duha ka kriminal nga

gilansang sa krus uban Niya, “Jesus, hinumdomi ko inig-abot Nimo sa Imong gingharian”; niingon si Jesus kaniya, “Sa pagkatinuod moingon Ko nimo, Karong adlaw mag-uban ka Nako sa Paraiso”; nagpakita kini sa diosnong kaayo sa walay kataposan ug walay pagpihig nga gugma Niya nga gipadayag pinaagi sa nagpangga nga tawhanong maayong gawi Niya—23:42-43.

- D. Sa hugna sa pagpakatawo ni Cristo gihuman Niya ang malangkobon-sa-tanan nga balaodnong katubsanan Niya pinaagi sa kamatayon Niya sa krus:
1. Ang balaodnong katubsanan Niya sumala man sa pagkamatarong sa Dios isip pamaagi sa kaluwasan sa Dios sa pagtagbaw sa mga gipangayo sa matarong nga kasugoan Niya sa mga makasasala—Rom. 1:17a; 3:21-26; 9:30-31.
  2. Aron kini mapasaylo ang mga makasasala atubangan sa Dios (Luc. 24:47), mahugasan (Heb. 1:3), mamatarong (Rom. 3:24-25), mapasig-uli ngadto sa Dios (5:10a), ug mabalaan ngadto sa Dios sa posisyon (1 Cor. 1:2; Heb. 13:12), sa ingon niana naghimong angayan ug nagposisyon sa mga magtutuo nga makapahimulos sa organicong kaluwasan sa Dios ug makasulod sa mas habog nga grasya sa Dios aron matuman ang walay kataposang pamatigayon sa Dios ug makab-ot ang kinataposang tuyo Niya (Rom. 5:10, 17, 21).

### **III. Sa ikaduhang hugna, sa hugna sa paglakip ni Cristo, sukad sa Iyang pagkabanhaw hangtod sa pagkadaot sa iglesia, gihuman Niya kining labing mahinungdanong mga butang:**

- A. Gipanganak Siya sa pagkabanhaw aron mahimong panganayng Anak sa Dios; “ang kaliwat ni David” nga nahimong “Anak sa Dios” nagpasabot sa kahikayan sa pagpaila kang Cristo nga panganayng Anak sa Dios pinaagi sa pagkabanhaw; kini ang ebanghelyo sa Dios, nga nganha niini gigahin si Pablo—1:1-4:
1. Pinaagi sa pagpakatawo gisul-ob ni Cristo, nga bugtong Anak sa Dios diha sa Iyang pagkadios (Juan 1:18), ang unod, ang tawhanong kinaiya, nga walay labot sa pagkadios; sa pagka-tawo Niya dili Siya Anak sa Dios.
  2. Pinaagi sa pagkabanhaw gibalaan, gipausbaw, ug gitransorma ang tawhanong kinaiya Niya; sa pagkabanhaw gihimong Dios, “gihimong anak,” ang pagka-tawo Niya, nagpasabot nga gipaila Siya nga Anak sa Dios, nahimong panganayng Anak sa Dios nga dunay pagkadios ug pagka-tawo—Rom. 8:29; Buh. 13:33.
  3. Diha ni Cristo nilihok ang pagkadios, ang Espiritu sa pagkabalaan, sa pagkamatay Niya, ug sa pagkabanhaw “namulak” Siya aron mahimong panganayng Anak sa Dios ug Espiritung tigpaambit-og-kinabuhi, nga nagpaambit sa Iyang diosnong kinabuhi nganhi nato aron himoon tang daghang igsoon Niya—Rom. 1:4; 8:29; 1 Cor. 15:45b.
  4. Ang sumbanan mao ang panganayng Anak sa Dios, ug ang hulad mao ang daghang anak sa Dios, ang mga bahin sa sumbanan aron mahimong Lawas Niya, nga mahingpit sa Bag-ong Jerusalem—Col. 1:18; 1 Ped. 1:3.
  5. Gipaila na si Cristo nga Anak sa Dios, apan naa pa ta sa kahikayan sa pagpaila, sa kahikayan sa “pagkahimong anak,” sa pagkahimong Dios—Rom. 8:28-29:
    - a. Sa pagkabanhaw gipaila si Cristo nga Anak sa Dios diha sa Iyang pagka-tawo, ug pinaagi nianang pagkabanhawa naa sab ta sa kahikayan nga gipaila nga mga anak sa Dios—v. 11.
    - b. Ang yawe sa kahikayan sa pagpaila mao ang pagkabanhaw, nga mao si Cristo nga nagpuyo sa sulod isip Espiritung nabanhaw, Espiritung nagpaila, ang gahom sa kinabuhi nga naa sa atong espiritu; dinalian gyod natong kat-onan ang paggawi uyon sa espiritu, ang pagpahimulos ug

pagsinati sa Espiritung nagpaila—Juan 11:25; Rom. 8:10-11; Buh. 2:24; 1 Cor. 15:26; 5:4; Rom. 8:4, 6, 14.

B. Nahimong Espiritung taghatag-og-kinabuhi ang nagpakatawong Cristo, ang kataposang Adam—1 Cor. 15:45b; Juan 6:63; 2 Cor. 3:6:

1. Ang paggamit nato sa pulong paglakip gibasi sa paggamit nato sa pulong malangkobon—ang pagkahimong Espiritung taghatag-og-kinabuhi ni Cristo, nga kataposang Adam, pagkahimo man Niyang malangkobon-sa-tanan nga Espiritu—Fil. 1:19.
2. Ang Espiritung taghatag-og-kinabuhi, nga mao ang pneumaticong Cristo, ginganlan sab og Espiritu sa kinabuhi (Rom. 8:2), Espiritu ni Jesus (Buh. 16:7), Espiritu ni Jesucristo (Fil. 1:19), ug Ginoong Espiritu (2 Cor. 3:18).
3. Ang pagpangalagad ni Cristo sa hugna sa paglakip isip Espiritung taghatag-og-kinabuhi gipadayag sa Roma 8, nga nagpakita nga ang kinabuhi sa Tulo-usang Dios, isip balaod sa Espiritu sa kinabuhi nga gipaambit sa atong pagkatawo nga may tulo ka bahin, naghimo natong mga tawo sa kinabuhi aron mahimong mga anak sa Dios ug mga bahin ni Cristo nga mag-umol sa Lawas ni Cristo aron mapadayag Siya, sa ingon niana matuman ang tuyo sa Dios sa sinugdan—Gen. 2:7, 9; Rom. 8:14; 12:5:
  - a. “Ang balaod sa Espiritu sa kinabuhi [Gr. zoe] nagpahigawas nako diha ni Cristo Jesus gikan sa balaod sa sala ug kamatayon”—8:2.
  - b. “Kon naa ninyo si Cristo, bisan patay ang lawas tungod sa sala, kinabuhi [Gr. zoe] ang espiritu tungod sa pagkamatarong”—v. 10.
  - c. “Ang salabotang gipatumong sa espiritu kinabuhi [Gr. zoe] ug kalinaw”—v. 6.
  - d. “Kon nagpuyo diha ninyo ang Espiritu Niya nga nagbanhaw ni Jesus gikan sa mga minatay, Siya nga nagbanhaw ni Cristo Jesus gikan sa mga minatay maghatag sab og kinabuhi [Gr. zoe] sa inyong mga lawas nga dunay kamatayon pinaagi sa Iyang Espiritu nga nagpuyo ninyo”—v. 11.

C. Sa pagkabanhaw ni Cristo gipanganak Niya pag-usab ang mga magtutuo alang sa Iyang Lawas—1 Ped. 1:3:

1. Nahimong panganayng Anak sa Dios ug Espiritung taghatag-og-kinabuhi ang pneumaticong Cristo aron ipanganak pag-usab ang mga magtutuo, himoon silang daghang anak sa Dios nga gipanganak sa Dios uban Niya sa usa ka unibersohanon kadakong pagpanganak pinaagi sa pagkabanhaw ni Jesucristo gikan sa mga minatay.
2. Gibautismohan na ang tanang magtutuo ni Cristo diha sa usa ka Espiritu ngadto sa usa ka Lawas ni Cristo ug gipainom ning usa ka Espiritu aron maumol ang Lawas ni Cristo—1 Cor. 12:13.
3. Sa pagkabanhaw ni Cristo walay kinutobang gihatag Niya ang Iyang Kaugalingon isip malangkobon-sa-tanan nga Espiritung taghatag-og-kinabuhi pinaagi sa pagpamulong Niya sa mga pulong sa Dios—Juan 3:34.

IV. Sa ikatulong hugna, sa hugna sa pagpakusog ni Cristo, sukad sa pagkadaot sa iglesia hangtod sa pagkahingpit sa Bag-ong Jerusalem, gipakusgan Niya ang organicong kaluwasan Niya, gipalugwa ang mga mananaog, ug gihingpit ang Bag-ong Jerusalem:

A. Tungod sa pagkadaot sa iglesia, gipakusgan sa pito ka pilo si Cristo nga Espiritung taghatag-og-kinabuhi aron mahimong pito ka Espiritu—ang Espiritung taghatag-og-kinabuhi nga gipakusgan sa pito ka pilo—Bug. 1:4; 3:1; 4:5; 5:6.

- B. Gipakusgan ni Cristo nga Espiritung taghatag-og-kinabuhi nga gipakusgan sa pito ka pilo ang organicong kaluwasan Niya aron maluwas ang mga magtutuo gikan:
1. Sa pormal nga iglesiahanong kinabuhi ug sa pagkawala sa unang gugma alang sa Ginoo, sa kahimoan sa pagsidlak sa tangkawan, ug sa pagpahimulos kang Cristo nga kinabuhi sa iglesia sa Efeso—2:1-7.
  2. Sa pagkapildi nga makapasinati nila sa ikaduhang kamatayon sa iglesia sa Esmirna—vv. 8-11.
  3. Sa pagkakalibotanon sa pagkausa nila sa kalibotan ingog kaminyoon ug sa pagtulon-an ni Balaam ug sa mga Nicolaita sa iglesia sa Pergamo—vv. 12-17.
  4. Sa pagpakighilawas, pagsimbag mga diosdios, demonyohanong pagtulon-an, ug satanasnong mga kahiladman sa Catholicismo, nga gitiman-an sa iglesia sa Tiatira—vv. 18-29.
  5. Sa espirituhanong kamatayon—patay ug himalasyon—sa Protestantismo, nga gitiman-an sa iglesia sa Sardis—3:1-6.
  6. Sa pagkawala sa purongpurong, nga nabatonan na diha sa mga Brethren, nga gitiman-an sa iglesia sa Filadelfia—vv. 7-13.
  7. Sa pagkadagaang ug pagkawalay-Cristo diha sa nadaot nga mga Brethren, nga gitiman-an sa iglesia sa Laodicea—vv. 14-22.
- C. Kon buot ta mahimong mga mananaog, ipahiuli, mintinahon, ug ugmaron gyod nato ang unang gugma nato ngadto sa Ginoo:
1. Ang pagbiya sa unang gugma maoy tinubdan ug labing dakong hinungdan sa pagkapakyas sa iglesia sa tanang kapanahonan—2:4-5.
  2. Ang paghigugma nato ni Ginoong Jesus sa unang gugma pagpauna man nato Kaniya sa tanang butang; paunahon gyod nato si Cristo sa tanang butang ug sa tanang hitabo, isipon Siya nga tanan sa atong kinabuhi—Col. 1:18b.
  3. Dili gyod ta mahigugmag tawo o butang labaw sa Ginoo, lakip na ang atong kinabuhi-sa-kalag—Mat. 10:37-39; Bug. 12:11.
- D. Maluwas ta sa pagkadaot pinaagi sa pagpamulong sa pneumaticong Cristo nga gipakusgan sa pito ka pilo ug sa madaogong mga balaan nga nagkinabuhi diha sa ilang espiritu—2:1, 7; 1:10; 4:2; 17:3; 21:10.
- E. Ang langitnong pagpangalagad ni Cristo nga gipakusgan sa pito ka pilo aron man hingpit nga maandam ang pangasaw-onon alang ni Cristo (19:7-9), maporma ang kasundalohang asawa (vv. 11-21; 17:14), magapos si Satanas (20:1-3), mapadangat ang gingharian ni Cristo ug sa Dios (vv. 4-6), ug mahingpit ang Bag-ong Jerusalem (2:7; 21:2).
- F. Ang kataposang resulta mao nga ang nahingpit na gyod nga Espiritu nga kahingpitan sa nahikay nga Tulo-usang Dios mahimong Pamanhonon, ug ang kinatibuk-an sa madaogong mga balaan mahimong pangasaw-onon sa unibersoanong paghigugmaay tali sa nagtubos nga Dios ug sa Iyang tinubos nga tawo isip konklusyon sa tibuok Kasulatan—22:17a.
- G. Hunahunaon gyod nato kining kalabot sa pagpakusog ug mainitong moampo sa Ginoo, nga moingon, “Gusto kong mouswag gikan sa paglakip ngadto sa pagpakusog. Ginoo, gipakusgan na man Ka sa pito ka pilo, ug nag-ampo ko nga mapakusgan sab ko sa pito ka pilo aron makadaog ko sa pagkadaot sa iglesia ug matukod ang Lawas nga maghingpit sa Bag-ong Jerusalem” (*Incarnation, Inclusion, and Intensification*, p. 22).